

下莫怪悞起間反 儔匹下反 推梯上反
 報反莫 特上反 倣慢上反 儔匹下反 推梯上反
 手援下音 姝妙上反 携雅上反 推梯上反
 理察上音 猖狂上音 蒜蒜二同音 饋饌反上 推梯上反
 懲循省旬上音 恃市音 驅策俱上 旋液亦下 髀下音
 反敵徒反 能禁金下音 賊帥貝下反 喪舉或下 髀下音
 蘇音 宰觀波沒上 與上反 輦下必 蹋踏反唐
 正下蘇 刑戮下音 疵斯上反 測反昌 特下音
 禁處上反 追悼盜下音 胭推上反 駢闐上反
 音田反下

根本說一切有部毗奈耶卷第四十四 誅四

唐三藏法師義淨奉 制譯

入王宮門學處第八十二

初摠攝頌曰
 初首二難陀 七日并善與 五人四希有
 勝鬘教大王 二城有盛衰 月光於夜白

仙道出家已 影勝問伽施 頂髻害父命
 當生無間中 受二佞臣言 謗無兩羅漢
 二臣收寶去 塵沙徧滿城 大臣以女男
 各付於師主 紺顏隨師去 仙道等因緣
 善財造寺緣 准陀論七福 壯士曠野手
 紺容證不還 無比打針人 廣陳師子事
 二人說善惡 紺容皆被燒 曲脊供僧人
 入王宮為後
 難陀鄔波難陀者佛在室羅伐城逝多林給
 孤獨園尔時世尊告諸苾芻曰汝等當於蘭
 若樹下或空室中或山崖坎窟或草積內或
 居露地或在尸林或餘林中或住邊房受鹿
 弊卧具向如是處簡息外緣端心靜慮求斷
 煩惱勿為放逸後置憂悔此即是我真實教
 誠如是世尊為諸苾芻說思惟事令棄憤鬧
 時有苾芻得世俗通者便往妙高山而修靜
 慮佛告諸苾芻妙高山王者下從金輪與海
 水齊有八萬踰繕那從水上高出亦復如是

其形異方四面各有二千踰繕那人天樂觀相狀端正上有三十三天四寶所成東面水精南面吠琉璃西面白銀北面黃金於此山下大海之中有龍王宮亦四寶所成受用無闕有二龍王名難陀鄔波難陀而住於此各有八萬四千諸龍以為眷屬此二龍王假使金翅鳥王不能損害所有飲食皆同諸天上妙供養時二龍王由貪愛故各以其身遶山七帀舉首而住俱作是念此等受用皆悉是我福業所招以惱嫉心故每日三時吐其毒氣齊二百五十踰繕那內所有鳥獸聞毒氣者並皆喪命龍吐氣已遂便睡著時諸苾芻修靜慮者由龍毒氣皮肉變色憔悴痿黃如世尊說汝等苾芻欲求戒淨可於半月為褒灑陀求除罪故為隨意事時彼苾芻至長淨日皆來集會時舊住者恠而問曰何故仁等顏狀異常痿黃若此其靜慮苾芻以緣具告諸苾芻曰龍為惱害何不調伏荅曰此惟世

誅四

二

尊及大聲聞方能制伏非我所堪時諸苾芻以緣白佛佛作是念我諸弟子誰堪降彼二大龍王佛知大目犍連定能摧伏便告大目犍連曰汝當觀察難陀鄔波難陀二大龍王時大目連唯然受教即作如是方便入定從室羅伐城沒於妙高山出在龍身上經行龍睡不覺復行頂上亦不覺知目連即入其腹振大雷霆睡仍不覺尔時尊者便作是念龍有二緣方可降伏云何為二一者令其瞋怒二者發恐怖心我若遣彼生瞋怒者令瞻部洲悉皆震動我今應可使其驚怖即化作龍身大彼三倍身遶二龍周圍七帀舉首而住龍覺身重即便睡寤見彼大身極生驚恐憂惶失計作如是念所居之處今被欺奪遂化作小身棄宮逃竄尊者大目連即復本形遮彼龍前整容而住問曰汝二龍王欲何所作荅曰有大德龍來至住處欲害我命奪所居宮有此難緣逃向餘處尊者報曰我於向者

到汝宮所不見斯事龍曰我等親見尊者曰
汝可還宮示我形狀龍曰大德豈復欲殺我
耶尊者曰我共往看誰敢相殺宜可迴去示
彼形容龍與尊者覆還住處但觀空宮更無
餘物二龍問曰將非聖者見我憍暴現驚恐
耶尊者曰或容如是彼龍白言聖者何緣來

誅四

三

此尊者曰汝等當聽汝於過去作鄙惡業墮
傍生中受斯惡報今時更復作猛毒心殺害
有情無悲愍念從斯沒已除捺洛迦更無生
處彼二龍王俱來禮足作如是語欲令我等
當作何事尊者曰汝等今可歸依三寶受五
學處至盡形壽不殺生乃至不飲酒於妙高
山有禽獸等依止住者施以無畏勿令驚恐
彼二龍白言我等愚癡自無覺慧幸蒙聖者
拔濟苦津自誓要心謹依言教從今已去乃
至命存歸依三寶受五學處於諸生類不令
苦惱愛同已子除瞋毒心時大目連降二龍
已欲還本處彼二龍王禮尊者足白言大德

我墜迷津蒙恩救濟至世尊處幸持我語頂
禮雙足不審世尊少病少惱起居輕利氣力
安不復更白言唯願大師慈悲哀愍苾芻苾
芻尼等飯食訖凡說福頌伽陀之時願稱我
名以福垂濟捨此惡業生善趣中目連告曰
當為汝白時大目連所為事訖猶如壯士屈
伸臂頃於妙高山沒逝多林出詣世尊所禮
雙足已白言世尊我已降伏二難陀龍令受
三歸并五學處於妙高山所住有情皆起悲
愍彼二龍王附申禮敬世尊足下不審大師
少病少惱起居輕利氣力安不我以惡業墮
傍生中受諸苦難唯願世尊慈悲救濟具陳
請意世尊聞已讚言善哉善哉彼二龍王能
生獸離即告諸苾芻曰從今已去我諸弟子
苾芻苾芻尼等每食了時說鐸敲拏伽陀稱
彼二龍王名字為作呪願令捨惡道生善趣
中當如是作若不依我教者得惡作罪是二
龍王從斯已後每至月八日十五日二十三

日月盡日夜復本形晝為人像詣世尊所俱
 申禮敬受八支學處又母來時從妙高山至
 室羅伐城於路左右布列龍兵彌滿虛空以
 為侍衛後於異時龍作長者形來詣佛所聽
 受妙法時勝光大王亦於彼時來詣佛所既
 至門外命左右曰汝往佛所觀有何人時彼

誄四

四

左右奉教而去禮佛足已見二長者在世尊
 處聽佛說法即還王所白言大王有二長者
 在世尊處王作是念彼二長者是我國人見
 我來時敢不恭敬時勝光王欲至佛所彼二
 龍王見國主來白世尊曰大德既見國王合
 改常儀我今為敬法坐聽為敬王起立世尊
 告曰諸佛世尊及阿羅漢等咸皆敬法以此
 因緣說三伽陀曰
 若過去諸佛 及以未來者 現在諸世尊
 能斷一切憂 皆共尊敬法 言說及行住
 常於一切時 尊重於正法 是故求益者
 欲希富盛樂 應當尊敬法 常想諸佛教

彼二龍王聞佛語已雖見王來不修敬事王
 既見已便作是念此二長者是我國人見我
 來至不生敬重便起瞋恨至世尊所禮雙足
 已在一面坐佛知王意有瞋恚心別作餘言
 不為說法時勝光王請世尊曰唯願大師為
 我說法佛以此緣說伽陀曰

誄四

五

若無清淨心 而懷瞋恨意 不能解諸佛
 所說微妙法 降伏鬪諍心 及以不淨意
 能除於忿害 方解諸佛法
 時勝光王聞伽陀已作如是念由二長者遂
 令世尊不時為我演說法要即從座起禮佛
 而去命左右曰汝可伺彼佛邊長者辭佛去
 時待至門外俱斬其首彼二龍王所有部從
 見王懷忿作是語已悉皆驚愕怒而議曰我
 等有力能碎高山傾竭大海王何勢力敢作
 此言即卒起重雲震降雷電於虛空中皆下
 刀仗劍輪箭稍未至地頃尔時世尊得無忘
 念告大目連曰汝應速疾念勝光王及此城

中諸有情類時大目連唯然受教即入慈定
纔入定已徧虛空中皆雨天華俱勿頭等而
墮于地乃至勝光王入宮已來天華徧落王
恠竒異歎未曾有遂告中宮妃后王子大臣
及婆羅門諸士庶等悉皆摠集而下令曰我
於向者從逝多林迄至宮中天華灑落曾所
未見不知此事是誰威力時有近王說美言
者白言此是大王如法化人不行枉酷諸天
歡喜雨此妙華王曰我常以法安人福力應
尔宮內女人作如是語我等貞居惟事國主
於餘男子永絕邪心天神鑒質慶以祥瑞太
子曰我於父母盡心孝養靈祇感應致此嘉
祥大臣曰王有教令我悉奉行助化國人致
使天華下落婆羅門曰我順四時恭祭天地
無虧淨行致此鮮華猛將曰國有強叛我先
出師爲衆安撫獲斯嘉應國人曰我等躬耕
供王國稅無爽時節神明共知表察恭勤祥
華普散王聞衆議各述已能便作是念此妙

靈竒世所未見不知是誰福力我今宜往請
問世尊如佛所言我當信受

尔時勝光王即以天華盛滿衣裾乘大象王
至給園外足步而去禮世尊已在一面坐即
以上事具白世尊佛言大王此之天華非大
王力亦非內宮及王子臣庶威德所致是大
目連威神之力大王向使目連不爲觀察不
興悲愍者於須臾間室羅伐城王及百姓悉
爲塵粉由彼慈悲甚深定力遂致天華處處
充滿是故王及臣庶於大目連皆應供養時
勝光王白言世尊以何因緣但由聖者目連
令我已身及以宮內國城人等不爲塵粉得

諒四

六

存性命此之恩力非是世尊非餘弟子佛言
大王非我之力亦非諸餘聲聞弟子但是目
連王若疑者可以衣裾天華置地王奉佛教
棄華於地悉皆變成刀劍輪稍王既見已便
大驚怖生恠愕心白佛言世尊此之兵仗從
何所來佛言大王王豈不憶前令左右於難

陀鄔波難陀二龍王處以瞋毒心出暴惡語
遣斷其命時彼龍王所有部屬聞是語已皆
發瞋志便與密雲於虛空中雨諸刀劍及以
箭稍時大目連見斯事已即入慈定勿令王
衆并諸國人悉皆磨滅遂變兵器咸作天華
令衆安樂王言世尊我不曾見彼二龍王何

得遣人欲斷其命佛言王不憶者我令憶之
王豈不憶向於我所有二長者見王不起王
便發怒勅諸侍從斷其命耶王言我憶佛言
彼二長者即是龍王爲聽法故作人形來
至我所王曰由我肉眼不識神龍既有罪愆
欲作何事佛言就二龍所而爲懺摩王曰彼
在妙高山我住摩竭陀國相去懸遠如何媿
謝佛言彼二龍王每月八日及長淨日爲聽
法故必來我所王亦須至我當示彼龍王之
身王可收謝王曰我於彼龍求謝之時禮其
足耶佛言大王不應禮足宜舒右手至彼龍
前告言二龍王我出鹿言幸見容恕彼二龍

誅四

七

王共相容忍王曰謹奉佛教當如是作禮佛
足已還適本宮後至長淨日龍作人形來詣
佛所王亦復至瞻仰世尊佛爲現相指示龍
王時勝光王見佛現相即從座起整理衣服
往二龍所展其右手作如是語幸二龍王見
相容恕彼二答曰善哉大王共相容捨

七日者尔時勝光王作是念由我鹿語惱彼
龍兵致使雲雷雨諸刀劍由得聖者大目連
慈定力故變作天華存活我等我欲酬恩聖
者請佛及僧於七日中以申供養即從座起
頂禮佛足白言世尊願佛及僧於七日內至
我宅中哀受微供尔時世尊見王請已默然
爲受王見受已禮佛而去既出外已告大臣
曰我緣聖者大目連故請佛及僧於七日中
就舍而食御等宜應掃飾衢路莊嚴城郭辦
上味食以待佛僧大臣奉命悉皆備辦從王
宮內至逝多林於此中間寶幢幡蓋香等徧
滿既嚴飾已王令使者往白佛僧飲食已辦

願佛衆知時亦時世尊於日初分執持衣鉢
大衆隨從至王宅所詣其食處於先設座就
之而坐時勝光王見衆坐已自持種種清淨
上妙飲食奉佛僧衆既飯食已澡漱復訖佛
爲大王說施頌伽他并演妙法還歸本處初
日旣然乃至七日悉皆如是聖衆食已爲王
說法還歸本處時勝光王遂於後時夜中失
火燒殺大象王令鳴鼓宣告國人曰從今已
後不得夜中輒然燈火若有違者罰六十金
錢其無錢者長繫於獄

時諸苾芻咸皆有疑請世尊曰大德難陀耶
波難陀此二龍王曾作何業墮傍生趣又作
何業所居宮宅皆四寶成受用飲食與諸天
同類八萬四千諸龍以爲眷屬假使金翅鳥
王亦無傷損佛告諸苾芻此二龍王所作之
業還以自身而受其報無餘代者乃至廣說
假令經百劫 所作業不亡 因緣會遇時
果報還自受

誅四

八

汝等應聽乃往古昔此賢劫中人壽二萬歲
時有迦攝波如來出現于世十號具足亦時
婆羅痾斯城有王化世名訖栗枳國土豐樂
人民安隱時有兄弟二人俱爲大臣一名難
陀二名耶波難陀彼二大臣以法非法助王
治國臣有外甥名曰無憂於迦攝波佛教法
之中而爲出家厭捨塵俗精誠靡懈未久之
間斷一切惑證阿羅漢果每日三時向二舅
所爲其說法作如是語唯願二舅勿以非法
助王治國由此因緣於未來世當受惡報二
舅答曰聖者治國之法不能純以善事而化
於人阿羅漢曰若如是者來世資糧可應修
集彼二舅報曰我於今時欲作何事答曰可
爲僧伽造立任處報曰我當修造即造大寺
施四方僧四事無關所設供食及非時漿色
香美味悉皆具足國內苾芻同王太子無所
障礙諸苾芻尼事同後宮無敢侵擾彼二大
臣由以法及非法助王治國有惡業故墮傍

生中由造寺宇施四方僧故所有居宅皆四寶所成由以上妙飲食供衆僧故所受飲食皆與天同味由於苾芻苾芻尼等令無惱害得八萬四千諸龍以爲眷屬假使金翅鳥王不爲損害汝諸苾芻若造惡業還招苦報所有善因當得善果汝等當學

詠四

九

善與者室羅伐城有一長者名曰善與大富多財豐足受用所有資產與北方毗沙門天王可爲儔匹仁惠無怪給養貧乏因號善與時彼長者曾於一時來詣佛所禮佛足已在一面坐聽說妙法從座而起白言世尊唯願慈悲佛及僧衆明當就舍受我微供世尊默然而受時彼長者見佛受已禮足而去即於其夜具辦種種上妙飲食旦令使者往白時至介時世尊著衣持鉢聖衆隨從至長者家就座而坐時彼長者觀衆坐已自手斟酌種種飲食衆飲食已澡漱復訖長者夫婦即於佛前頂禮佛足長跪而住世尊觀彼夫婦根

性差別隨機說法即於座上俱見眞諦獲預流果乃至廣說歸依三寶受五學處佛及聖衆各還住處時長者婦得果之日即於其夜便覺有娠於時時中供佛僧衆經九月已請佛及僧就舍而食佛爲說法夫婦二人得不還果即於是日其子誕生顏貌希奇人所愛樂額廣眉長鼻高脩直頂圓若蓋色美如金垂手過膝衆所稱歎過三十七日歡會宗親其父以兒告諸親曰此兒今者當立何名舉衆咸云此之孩子父母得果之日來託母胎及其生時還得勝果斯之運會世所未聞如有神通理應嘉讚應與此子名曰神通長者養育孩兒授八乳母二供乳哺二作祿持二爲洗浴二共歡戲供給乳養無有闕乏廣說如上時神通童子年既長大容貌希奇於王城下隨路而去時有宮人樓上遙見觀彼容貌洙意便生即以華瓔遙擲童子隨其頭上有監察人見是事已便去白王大王知不神

通童子於王內人有邪欲想從城下過宮人投以華瓔王聞是已不審思察即生忿怒命法官曰此之童子與內交通既犯常刑當斷其命法官奉教執縛童子往至屠所便斬其首城中人衆見此童子非法枉死皆出大聲作如是語是非法王不審觀察神通無過枉

誄四

十

被屠刑王見諸人說其非理便自思忖是我造次不審刑科卿等諸人捨斯一過尔時善與長者見兒死已作如是念我有珍財辛苦求覓咸為神通擬隆家業今既身死財何用為我今宜應以已珍財於沙門婆羅門及貧乏者悉皆施與惟留金錢一文為衣食本作是念已便於室羅伐城令人擊鼓宣告諸君當知善與長者現有財貨無遮摠施奴婢雜畜並施隨緣若有須者隨意來取諸人聞已遠近俱集長者出物悉皆給施並稱求心歡未曾有是時長者以一金錢買諸貨物他日轉賣常得四錢每日日中以一金錢買諸香

物磨作香泥塗拭佛殿又以一錢日日僧中巡次供養又以一錢舍內居人用充衣食餘有一錢留以為本善與長者既家產罄竭財食貧無諸來乞人隨時給濟因此號為鹿惡善與時鹿惡長者往詣佛所禮足已在一面坐佛告長者曰汝之舍中常能施不長者白

言世尊我比家中雖於日日惠施飲食然為貧無不能精細事多鹿惡佛告長者凡所施物若好若惡此二皆當獲異熟果長者若人施時隨好隨惡不以信心不生恭敬不自手不應時不清淨如是之人得報之時不能如彼大富長者隨意受用於其舍宅奴婢車乘

誄四

十一

飲食衣服牀榻臥具色聲香味觸而心悵惜不能受用長者由不信等所行惠施獲報如是長者又所施物若好若惡以深信心極生恭敬自手應時以清淨物持惠前人如是施者得報之時如大長者隨意受用於其舍宅奴婢車乘飲食衣服牀榻臥具色聲香味觸

而心廣愛樂多受用由此因緣長者應聽乃
 往古昔有勝貴族大婆羅門名薛羅摩常於
 婆羅門處以八萬四千大象服以金鞍鈴鐸
 旗幡悉以金作於其象上覆蓋金網持以惠
 施又以八萬四千馬鞍轡莊校悉皆以金又
 以八萬四千車乘各以四寶金銀瑠璃頗黎
 所成金網懸蓋皆以師子虎豹文彩皮褥上
 綵敷置其中又以八萬四千諸妙樓觀亦以
 四寶所成又以八萬四千牀榻臥具亦四寶
 成所有敷設輦席氈褥皆是諸方珍奇上物
 於牀兩頭安置丹枕又以金鉢八萬四千盛
 滿銀粟又以銀鉢八萬四千盛滿金粟又以
 八萬四千雙上妙氈衣有其四種謂加尸細
 氈毳摩細氈紆麻細氈孤咕薄迦細氈又以
 八萬四千特牛其角皆盛以金角咸有犢子
 俱以氈覆又以八萬四千童子皆用金銀寶
 物而為瓔珞如斯等物皆持惠施諸婆羅門
 何況所餘上妙飲食種種衣服長者當知彼

大潮婆羅門以如是等八萬四千奇妙之物
 施婆羅門時所獲福德不如有人但以飲食
 供養外道離欲五通仙人其數滿百此之福
 德望前福德果報殊勝復次長者如彼大潮
 以如是等八萬四千奇妙之物施婆羅門及
 施外道一百隱人不如有人但以飲食施一
 贈部樹下未離欲染異生菩薩此之福德望
 前福德果報殊勝復次長者如彼大潮以如
 是等八萬四千奇妙之物施婆羅門及施外
 道一百隱人并施贈部樹下異生菩薩不如
 有人但以飲食施一預流向者此之福德望
 前福德果報殊勝復次長者如彼大潮以如
 是等八萬四千奇妙之物施婆羅門及施外
 道一百隱人并施贈部樹下異生菩薩及預
 流向不如有人但以飲食施一預流果者此
 之福德望前福德果報殊勝如是廣說一來
 向一來果不還向不還果阿羅漢向不如有人
 但以飲食施一阿羅漢果此之福德望前

詠四

十一

福德果報殊勝

梵本具有
恐煩故略

復次長者如彼大潮以如是等勝妙樂具施
婆羅門及一百隱人異生菩薩并四向四果
不如有人以妙園圃施四方僧此之福德望
前福德果報殊勝復次長者如彼大潮以如
是等勝妙樂具施婆羅門及一百隱人異生
菩薩并四向四果以妙園圃施四方僧不如
有人於此園中造立寺宇奉施僧伽此之福
德望前福德果報殊勝復次長者如彼大潮
以如是等勝妙樂具施婆羅門乃至園中造
立寺宇不如有人於此寺中施以牀榻卧具
及諸座褥被枕之類此之福德望前福德果
報殊勝復次長者如彼大潮以如是等勝妙
樂具施婆羅門乃至於彼寺中施以牀榻卧
具及諸座褥被枕之類不如有人於此寺中
施僧常食此之福德望前福德果報殊勝
復次長者如彼大潮以如是等勝妙樂具施
婆羅門乃至寺中施僧常食不如有人盡形

詠四

十三

壽歸依佛陀歸依達磨歸依僧伽受持戒行
此之福德望前福德果報殊勝復次長者如
彼大潮以如是等勝妙樂具施婆羅門乃至
歸依三寶受持學處不如有人於一切有情
於少時間修習慈觀此之福德望前福德果
報殊勝復次長者如彼大潮以如是等勝妙
樂具施婆羅門乃至廣說於一切有情修習
慈觀不如有人於暫時了知諸行悉皆無
常悉皆滅壞是可厭患修出離想此之福德
望前福德果報殊勝不可校量由是因緣長
者當知常於諸行修無常等觀求出離行是
要法門速得解脫如是應學如是應修勿為
放逸亦時善與長者及諸大眾聞佛說已頂
禮雙足深心歡喜信受奉行從座而去
亦時長者既至舍已於其夜中然明燈讀佛
教時王使者每於夜中巡歷人家觀察明火
於長者室見有燈明報言長者豈非大王聲
誠宣令普告諸人每於闇夜不秉燈明若違

教者罰六十金錢若無錢者終身繫獄可不聞耶長者曰我久聞知警夜人曰若如是者何故然燈答曰我於夜中愛尋佛語報曰縱讀佛教豈免輸錢可速將來長者答曰我今貧悴何處求錢報曰若尔可來求繫牢獄答曰我無別計即可隨行使者便將置於獄內

王所造獄閣有三重若品第尊高置於上閣其次之類安在中棚卑賤庶人拘之下屋時鹿惡善與長者既是勝流居在上閣時四天王知此長者地隣無學精苦勤心於初夜分來詣其所問言長者處在獄中是不應事長者曰大仙為犯國刑非我自欲問曰違犯何

事答曰夜明燈火被罰六十金錢我既貧無身須繫獄四天王曰長者欲於何處安置金寶我等持來隨情受用長者曰唯願大仙勿見憂慮王若知者或容見放大仙有暇暫聽妙法時四天王頂禮求聽長者哀愍為宣法要四天山光如四火聚王遙見之便作是念

諫四

十

何人獄中然大炬火次至半夜天帝釋來所發光明映四天王眾其有問答如彼四天王乃至求聽妙法至後夜時梵王來至身光是曜倍勝諸天問答求聽聞法歡喜俱還本宮

尔時大王於一夜中悉遙見此光明奇特至天曉已問獄官曰誰於昨夜獄中然火掌人白言夜於獄內無然明者王令大臣親往檢察獄中普問無然火處還白王曰無人然火王曰第三閣內囚禁何人獄官答曰有鹿惡善與長者拘在上閣王曰可喚將來我自親問使者喚至王問長者前為然燈禁在牢獄何故今者還然火耶長者答曰我昨夜中不

記然火王曰於初更時見四火聚半夜有五後夜有六何故長者妄語云無長者即便具以四王帝釋大梵為來聽法身有光明非燈燭也王聞語已深生尊敬歎仰希奇告言長者仁有大力今何願求隨所欲者我當給施長者答曰我今敢欲從王乞願王曰隨意所

須長者曰我願於夜尋讀佛經唯願大王勿
禁燈火王曰隨長者意夜秉燈明乃至餘人
亦皆隨意夜中然火為讀佛經悉免其罪于
時鹿惡善與長者及以國人蒙王放免皆大
歡喜

誄四

十五

根本說一切有部毗奈耶卷第四十四 誄四

紺古暗反蘭若下介反崖坎上魚皆反憤吏上俱反

下關反踰緒下時反晏方上昌反金翅下音焦悴自反

才搖反遂反萎痿黃上烏為反逃竄下魚反敵拏上立

尼加反驚愕下音稍朔音迄至上許反叛音畔衣裾

居音憊去反軋摩下音揭列下音栗枳下音只反外甥

下音靡苗反娘音乳哺下音祿持上音思忖

本下七反牀榻上音薛羅上音鞞轡下音憶蓋

候上虛反綵土敢反氈禪上然反帖元作陟圍圃下音蓋

音秉丙音暇音晁音曜廣上音胡

根本說一切有部毗奈耶卷第四十五 誄五

唐三藏法師義淨奉 詔譯

入王宮門學處第八十二之二

爾時薄伽梵在室羅伐城逝多林給孤獨園
時此城中有三長者一名善與二名善合三
名戒勝此三長者各有別德因而立名能善

誄五

三

廣施謂善與長者言無虛誑謂善合長者眾
人信伏謂戒勝長者善能忍恕謂勝光王離
邪欲心謂哥羅太子時憍薩羅國至八月半
後多有賊盜名為秋賊彼諸賊侶共相集會
作如是議我等云何於此時中少作劬勞多
獲財物於一年內受用隨情一人告曰今此

城中善合長者多有資財珍寶豐足我等宜
往到長者處共為誣枉報言長者我等先有
一億金錢寄長者處我今須用可見相還若
言虛者我等共引戒勝長者而為證人獲此
資財於一年中豐足受用一人告曰彼戒勝
長者豈為我等作證人耶餘人議曰我以強